



24. aggusti 2018

UKA 2018/141

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiupparput:

**Nuummi illut minillugit Illunik aningaasalersuisarnerup, niueruteqarnerup attartortitsisarnerullu unammilleqatigiinne rmik tunngaveqarne rulernissaat pillugu 2020-mi Upernaakkut ataatsimiinnissamut najukkani assigiinngitsuni illut suuneri najoqqutaralugit periarfissat pillugit nalunaarusioqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Nalunaarusiami aamma ineriartorneq tamanna siuarsarumallugu periarfissaasinnaasut pingaarnersiorlugit allaasereqquneqarput.**  
(Inatsisartunut ilaasortaq Justus Hansen, Demokraatit)

### **Tunnavilersuut**

Demokraatini isumaqarpugut killilersungaanngitsumik tapiissutiniillu isumalluuteqarfiunngitsumi niuerneq atugarissaarnerulernissamut aamma innuttaasut siuariartornerulernissaannut tunngavissiiussaasoq! Aamma illunik niueruteqartarneq eqqarsaatigalugu. Aamma tamanna tunngaviuvoq kissaateqaratta nassuiaasiortoqarnissaanut, periarfissanik paasinarsaasumik ilumut kalaallit nunaanni illunik nioqquteqartarneq unammilleqatigiiffiunerusumut sangutinneqarsinnaanersoq. Taamaasilluni illunik nioqquteqarnerup siunissami allanngortinnissaa Inatsisartut oqallisigilerpassuk ilisimasatigut tunngavissat pigilerumallugit.

Piviusuuvoq kalaallit nunaanni tamarmik illoqarneq allanngoriartormat taamaassimallunilu piffissami sivisuumi.

Pisoq piartuaarnikuuvoq piniagassat malersorumallugit tupit siullerpaamilli nuunneqarmata kingorna taarserneqartut ujaqqanik issumillu illulianik niuertoruseqarfinni pilersinneqartuni.

Ullutsinni illoqarfinni siuariartorfiusuni illoqarneq assigiinngitsumik ineriartorpoq Nuummut sinerissamullu naleqqiullugu.

Illunik aningaasalersuisarneq pillugu inatsit 2017-mi sananeqarmat Nuummi illuliornermut atatillugu tapiissuteqartarneq ukiut qulit ingerlanerini atorunnaarsikkiartuaarneqassasoq



aalajangerneqarpoq tamatumalu kinguneriniartussaassavaa Nuummi inuinnaat illuutaannik killilersungaannngitsunik tapiissutinillu isumalluuteqarfiunngitsunik niueruteqarnerulernissaq.

Kisianni qanoq iliorluta nunap sinnerani killilersungaannginnerusumik illunik niueruteqartarneq siuarsarsinnaavarput? Qanoq pisoqassava, pisortat erniaqannngitsunik akilersugassaannngitsunillu taarsigassarsititsisarnerat pisortat akiliisussamaatinngortinneqartalernissaannik taarsertuugutsigu? Imaluunniit pisortat taarsigassarsititsisalertuuppata ernialinnik soorlu allani taamaareersoq kisianni sivirusumik akilersuinissamut periarfissiilluni inuit pigissaartorsuunngitsut aamma nammineq illutaarsinnaaqullugit - illutik toqqaannartumik tunissutisiarinnngikkaluarlugit.

Aamma takussaavoq namminersorlutik oqartussat illuutiminnik akikinaarlugit tuniniaasarnerat allaat illumut innaallagissamut aqquersuinermit ilaatigut akikinnerungaatsiartumik. Qanoq tamanna illumik nalilersuisarnermut sunniuteqarpa aamma illunut allanut eqqaaniittunut?

Siunissami peritsumik taamaattumik unitsitsineq ilapittuutaasinnaanerluni siunissami unammilleqatigiinneq tungaviginerullugu illunik niueruteqartalernissamut taamaasillunilu realkredit aningaaseriviillu aqutigalugit taarsigassarsisarnissaq periarfissarissaarnerulerluni, namminersorlutik oqartussat kommunillu matulersutut illuutiminnik akikinaaralutik tuniaasarnerat aatsaat unitsinneqarsinnaappat?

Apeqqutit taakku aamma allarpassuit nassuiaammi taamaattumi nassuiaatissarsineqarsinnaapput niuernermit iluaqutaasumik aamma innuttaasunut piginnaaneqarlutillu piumassuseqartunut.

Naalakkersuisut partiillu allat saqqummiussassaannut qilanaarpunga taakku aamma tungaviussammata misissuinermit atatillugu angunigassat tulluartut amerlanerulernissaannut aamma ataatsimiititaliami suliarineranut atatillugu.

### **Aningaasarsiornikkut allaffissornikkullu pisortanut kingunissai.**

Misissuinerup pitsaasuunissaa imartunissaalu qularnaarumallugu naatsorsuutigineqassaaq misissuinerup sivirusumik suliarineqarnissaa. Tungaviusumik nalilernerqarpoq nassuiaasiornermut atatillugu allaffissornermi qarasaasiami paasissutissat pigineqareersut misissorneqassasut. Taamaattumik taggineqarpoq nassuiaatip suliarinera 700.000 koruunit missaani akeqassasoq. Tassani ilareerlutik nutserinissamut aningaasartuutit.

### **Aningaasarsiornikkut allaffissornikkullu namminersorlutik inuutissarsiutunut kingunissai:**

Nalunaarusiaq aningaasarsiornikkut allaffissornikkullu namminersorlutik inuutissarsiortunut kinguneqassanngilaq.

### **Aningaasatigut allaffissornikkullu innuttaasunut kingunissai:**

Nalunaarusiaq innuttaasunut kinguneqassanngilaq.